

unice tendebant ad bonum finem, qui et secutus est ac proinde tantum officiose mentita fuit.

Potes an non peccaverit Judith, dum cap. XI, 5, juravit per Nabuchodonosorem.

Ratio dubitandi est, 1. quia Nabuchodonosor ut Deus coli volebat, ut patet ex cap. III, 15; adeoque jurando per Nabuchodonosorem videtur Judith eidem impendisse honores divinos; 2. quia juravit per creaturam, quod pariter illicitum videtur.

R. quod non peccaverit Judith, utendo illa formula: *Vivit Nabuchodonosor*; quia in juramento per creature, quamvis non directe semper, indirecte tamen attestatio divina petitur; nempe prout potentia et majestas Dei in creaturis relinet, atque ab ipso potentia, anima, et totum quod est in creatura, habetur, per quam sit juramentum. Unde non plus peccavit Judith per Nabuchodonosorem jurando, quam peccavit Joseph, Gen. XLII jurando, per salutem Pharaonis, et Elisaeus Eliæ jurando IV Reg. II: *Vivit Dominus, et vivit anima tua*. Quia omnes similes formulæ habent hunc sensum: Per Deum, qui dedit salutem Pharaoni, potentiam regiam Nabuchodonosori, etc., juro, quod hoc vel illud faciam, hoc vel illud factum sit.

Nec refert quod Nabuchodonosor ut Deus in terra coli voluerit; quia, quantum est ex natura et circumstantiis illius juramenti, in hanc Nabuchodonosoris blasphemiam superbiam non condescendit Judith; quandoquidem cap. XI, 5, a qualiter juret per Nabuchodonosorem, sicut cap. XII, 4, per animam Holofernis, quam propterea Deum professa non est.

Dices: Jurat quod Nabuchodonosori serviant etiam bestie agri; atqui sic jurando, falsum juravit; ergo, etc.

R. neg. min. Nam sano sensu verum est quod Nabuchodonosori servierint etiam bestiae agri, nempe eo quod apud Jeremiam cap. XXVII, 6, de altero Nabuchodonosore dicit Dominus: *Ego dedi omnes terras istas in manu Nabuchodonosoris regis Babylonis servi mei, insuper et bestias agri dedi, ut serviant illi*.

Quia igitur Nabuchodonosori regi Assyriorum plerique homines in illis regionibus serviebant, et plerasque bestias agri usibus et servitio suo addiderat per arma Holofernis Nabuchodonosor: in veritate juravit Judith quod ei etiam bestiae agri servirent.

QUESTIO IV. — AN LICITE JUDITH, OBEDIENS PRECIBUS VAGAO, SE STITERIT CORAM HOLOFERNE, UT NARRATUR CAP. XII, 15.

Resp. affirmative: Nam licet tam Holofernes, quam Vagao intenderent eam habere presentem, ut ad illitatem copulam pellicerent, nec mentem eorum ignoraret Judith; quia tamen vocabatur explicitis terminis ad aliquid, quod a parte rei licitum erat, nempe ut intercesset convivio Holofernisi, unicum illud, ex urgenti et rationabili causa intendit Judith, licet probe nosceret quem finem haberet illa invitatio ex parte vocantium: Vagao enim, et Holofernes convivium illud, tanquam dispositionem et preparationem ad scelus, ordinaverant. Sed Judith ob rationes quas habebat urgentissimas, respectu illius voluntatis

eorum pessimæ seipsam habuit permissive; quia illa invitatio cum intentione perpetrandi malum non conjugebatur essentialiter, seu ex natura rei, sed ex sola malitia invitantium. Quando autem ex aliquo sequuntur duo effectus, malus unus, bonus alter; si malus tantum accidentaliter, et ex sola malitia aliquis tertii, conjugatur bono, licite intendo bonum, et permissive me habeo respectu mali, præsentim si non sit morale periculum consensus in effectum maius, quale in casu non erat respectu Judith.

Obj. I. Holofernes et Vagao aliisque presentes apprehendebant Juditham paratam ad scelus, eo quod tam prompte et compite veniret, et blandienti blanditur; ergo peccavit saltem peccato scandali. Etenim quotiescumque similem congressum videremus medias inter delicias, paratam ad scelus judicaremus similem feminam.

R. disting. ant. Apprehendebant Juditham paratam ad scelus, ex infundato et imprudenti motivo; transeat: ex prudenti, justo et fundato motivo; nego ant. et conseq. Nam illam apprehensionem in ipsis tollere nequaquam tenebatur Judith, v. g. dicendo: Tantum cenare volo cum Holoferne, nullatenus peccare; habebat enim motivum urgens permittendi eos in sua stulta apprehensione, nempe totius patriæ salutem, etc. Quod vero infundata et imprudens fuerit corum apprehensio, inde patet, quod antea aperte protestata fuisset Judith, se nolle manducare cibos ab Holoferne oblatis; item quod dixisset, se persistere in cultu Dei sui, singulis noctibus ivisset ad orationes, et ne jam quidem velit manducare de cibis Holoferni appositis, sed frugali sua refectione contentissima sit, etc. Sane vir prudens non judicabit, quod in fornicationem aut adulterium vellit consentire illa quæ tam exacta est, etiam in minimis legis sue punctis.

Obj. II. Jehu IV Reg. X congregans sacerdotes Baal in ordine ad solemne sacrificium idolo Baal immolandum, ut verba sonabant, re autem vera ut omnes occideret, nec ullus evaderet, habebat motu honestissimum, non minus quam hic Judith: nec commode potuisset alio modo tam perfecte intentum suum assequi occidendi plane omnes. Atqui tamen non tantum reus fuit peccati scandali, sed etiam gravissime peccavit contra fidem; ergo et Judith a peccato saltem scandali excusari non potest.

R. neg. conseq. Disparitas est, quod Jehu publico edicto simulaverit se idololatram, et aperte, licet mendaciter, professus sit quod solempne sacrificium vellet immolare idolo Baal, quod omnino impium erat. Nihil autem simile quid fecit Judith, utpote quæ in id quod a parte rei licitum erat, nempe ut accessum ad convivium Holofernisi. Porro si Jehu se totum erga verum Deum manifestis signis religiosum ostendisset, tuneque nudum edictum, quo convocarentur sacerdotes Baal, sine expressione finis edidisset, simile plane esset cum easū Judith, et Jehu innocens fuisset; quia convocare illos sacerdotes, secundum se malum non erat: licet enim tunc

sacerdotes illi forsitan apprehendissent quod Jehu vellet solemissimum sacrificium offerre idolo Baal; nihil tamen peccati redundasset in Jehu: quia apprehensio illa sacerdotum fuissest stolida et imprudens, utpote contra assertam regis in verum Deum pietatem, publicis signis manifestata.

Obj. III. Si excusabilis sit Judith, sequitur quod nec peccent juvenes et juvenculæ eentes ad loca et consortia periculosa.

Probatur sequela: quia et illi et illæ protestantur, quod tantum intendant recreationem aliquam licitam, v. g., convivari, hilares esse inter se, que omnia secundum se spectata absolute mala non sunt. Insuper dicunt quod nullo modo velint consentire malis que in similibus consortiis non raro committuntur.

R. negando sequelam, ejusque probationem. Prætextus enim omnes illi frivoli sunt, et si quæ sint evitandi malum, velleitates sunt, non voluntates; quia nullam justam habent causam exponendi se tantis periculis moralibus. Solus ipsum et ipsarum finis est delectatio sensualis, hocque solo motivo impelluntur ad frequentanda illa loca vel consortia, in quibus rarius persistunt in lege Domini, quam ab ea turpissime declinant. Insuper innumera adsunt illicta, in tantum, ut ipsi coram Deo consulte responderent, omnia ad lapsum esse parata, etc. Judith vero non ex sensuali delectatione, sed ex amore patriæ convivantem accessit Holofernem; non luxum petivit plene mortificata et religiosa, sed unice quæsivit libertatem patriæ; adeoque eius exemplum perperam allegant similium locorum aut consortiorum amasii vel amasiae.

QUESTIO V. — QUANDONAM, ET SUB QUO REGE CONTIGEIT HISTORIA JUDITH.

Quamvis omnes orthodoxi contra Lutheram, et nonnullos alios hæreticos historiam Judith veram esse acerrime defendant; de tempore tamen, quo contigit, magna inter eos est alteratio, et discrepantia. Inter varias autem hac de re sententias, duæ sunt verisimiliores. Una est Bellarmini lib. I de Verbo Dei, cap. 12, Seriarii Qæst. 2 in cap. I Judith, auctoris chronologæ Vitré, et quorundam aliorum, qui prætendent, historiam hanc contigisse ante captivitatem babylonicam, sub Manasse rege Juda. Altera sententia est Lyrani, Hugonis cardinalis, Dionysii Carthusiani, Tornielli, Sylvii, et multorum aliorum; qui asserunt, historiam Judith contigisse post captivitatem babylonicam. Et hæc sententia videtur verisimilior, atque

Prob. I. Historia Judith contigit post illud tempus quo Judæi e civitate Jerosolymitana expulsi fuerunt, eamque inhabitare desierunt. Atqui ante captivitatem babylonicam Judæi e civitate Jerosolymitana nunquam expulsi fuerunt, aut eam inhabitare desierunt; ergo non ante, sed post captivitatem babylonicam videtur contigisse haec historia.

Prob. maj. ex cap. V, 22 et seq., ubi Achior Ammonites, de gente Judæorum, post multa alia narrat

sequentia: Cum recessissent a via, quam dederat illis Deus, ut ambularent in ea, exterminati sunt præliis a multis nationibus, et plurimi eorum captivi abducti sunt in terram non suam. Nuper autem reversi ad Dominum Deum suum, ex dispersione qua dispersi fuerant, adunati sunt, et ascenderunt montana hec omnia, et iterum possident Jerosalem, ubi sunt sancta eorum. Ergo satis manifestum est, quod historia Judith contigerit post illud tempus quo Judæi e civitate Jerosolymitana expulsi fuerunt, eamque inhabitare et possidere desierunt.

Minor liquet ex serie regum qui describuntur, tum in libris Regum, tum in libris Paralipomenon. Etenim ex his libris omnino clarum ac evidens est, Judæos nunquam actualem Jerosolymæ possessionem amisisse, nisi quando captivi ducti sunt in Babyloniam.

Dices I: Verba Achioris non sunt intelligenda de captivitate babylonica, sed de variis afflictionibus quibus ante captivitatem illam afflicti fuerunt Judæi. Inter has vero afflictiones numerari potest illa qua afflxit eos rex Syriæ, dum super Judam regnabat Achaz, de quo II Paralip. XXVIII, 5: *Tradiditque eum Dominus Deus ejus in manu regis Syriæ, qui percussit eum, magnamque prædam cepit de ejus imperio, et adduxit in Damascum: manibus quoque regis Israel traditus est, et percussus plaga grandi. Occiditque Phace filius Romulæ, de Juda centum viginti millia in die uno*.

Numerari etiam potest illa afflictio, de qua eodem cap., §. 17: *Veneruntque Idumæi, et percusserunt multos ex Juda, et ceperunt prædam magnam. Philistium quoque diffusi sunt per urbes campestres, et ad meridiem Juda: ceperuntque Bethsames, etc. Insuper numerari potest illa qua Sennacherib rex Assyriorum regnum Juda pene universum devastavit. Denique numerari potest illa qua accidit cum rex Manasses caperetur; tunc enim tota regio devastata fuit, et haud dubie magna debet fuisse confusio, dum rex ipse cum multis e suis captivis abducebatur. Nam licet tunc tota gens judæa non desierit inhabitare et possidere Jerosalem; tamen illi qui captivi abduci fuerunt certe desierunt Jerosalem possidere et inhabitare; et cum plurimi Judæi in istis afflictionibus fuerint abducti, verum est quod plurimi desierint inhabitare Jerosalem, qui postea revertentes, et e captivitate dimissi, iterum inhabitarunt Jerosalem, et illam possederunt.*

R. neg. assumpt. et ad primum exemplum dico, quod licet rex Syriæ et rex Israel vehementer afflierint regem Juda ejusque subditos, et etiam multos ex eis occiderint; tamen ex nullo capite probari potest quod tunc plurimos captivos abduxerint. Imo econtra ex prophetia Isaiae, cap. VIII, 4, constat quod Judæi non forent tradendi in manus istorum duorum regum, sed e manibus eorum liberandi.

Similiter respondeo ad secundum exemplum, quod adductum est de Philistæis: nam et hi tametsi ceperint Bethsames et quinque alias urbes campestres, nullos tamen captivos abduxisse leguntur. Et licet

gratis daretur quod aliquos abduxissent, nullos tamen Jerosolymitanos abduxerunt; de quibus tamen in verbis supra citatis agit Achior Ammonites.

Ad tertium autem exemplum, quod adductum est de Sennacherib, dico, ipsum nullos omnino abduxisse; sed potius cum paucis admodum e suis, qui post ingentissimam stragam ab angelo exercitu ejus de nocte illatam, residui erant, turpiter et totus trepidus fugit, ac reversus est in Assyriam, mansitusque in Ninive; ut patet ex IV Reg. XIX, 55 et 56.

Denique quod ad captivitatem Manassis attinet, nec haec potest esse illa captivitas et dispersio populi, de qua agitur in libro Judith. Nam lib. 2 Paralip. cap. XXXIII, 11, tantum dicitur quod principes Assyriorum ceperint Manassen, et vinetum catenis duxerint in Babylonem; et nulla prorsus ibidem sit mentio de captivitate et dispersione populi; adeoque signum est quod Manasses cum paucis admodum e suis in captivitatem abductus sit. Unde rursus eo tempore Judaei non fuerunt expulsi, neque desierunt possidere et inhabitare Jerusalem; ac consequenter verba Achioris non possunt intelligi de captivitate Manassis, neque etiam de variis Judaeorum afflictionibus, quas ante captivitatem babyloniam passi sunt: cum in nullis istarum fuerint ejecti de Jerusalem; sed ipsa semper inhabitata et possessa fuerit a populo Judaeorum.

Declaratur in simili. Supponatur quod Turcae aut alii infideles caperent regem aliquem catholicum, eumque cum aliquibus principibus aut militibus captivum abducerent; et interim hoc non obstante, subditi istius regis manerent in possessione metropolis aliarumque civitatum regni, et interim rex iste, rebus cum Turcis compositis, cum mox dictis captivis reverteretur; in tali casu quispiam inepte diceret: Populus, seu subditi istius regis nuper reversi ex dispersione, qua dispersi fuerant, adunati sunt, et ascenderunt in regionem suam, et iterum possident metropolim suam. Ergo ei idem inepte de Judaeis dixisset Achior, si egisset de sola captivitate Manassis, aut de quibusdam aliis afflictionibus quas passi sunt Judaei ante captivitatem babyloniam.

Si quis dicat, quod Achior agat de captivitate in quam a Salmanasare abductae sunt decem tribus, adhuc magis a vero deviat: nam praeterquam quod istae ante captivitatem babyloniam non redierint, etiam perspicuum est, Achorem non de decem tribus loqui, sed de duabus, que possidebant Jerusalem: jamvero decem tribus nunquam possederant Jerusalem; ergo de illis non fuit locutus Achior.

Dices 2: Achior, utpote alienigena, non videtur ita exacte novisse res Hebraeorum, quin in iis enarrandis a veritate deflectere potuerit: imo quod in illis, que narravit de vocatione Abrahae, a veritate deflexerit, insinuavimus Quæst. I in cap. XII lib. Genesis. Ergo etiam diei potest quod a vero deviaverit in iis que narravit de dispersione ex qua dicit nuper rediisse Judaeos.

R. neg. consequ. Disparitas est, quod gesta Abrahæ

diu ante ejus tempora transacta fuissent; et consequenter non est mirum quod in iis enarrandis a veritate probabiliter deflexerit: at vero dispersio illa Iudeorum, quam enarravit, circa ejus tempora contigit, ut patet ex *tau* nuper; adeoque infundate dicitur, quod in illa enarranda a vero deviaverit.

Prob. II. Si tempore Manassis contigisset historia Judith, non potuisset ipsa de se et de populo iudaico dicere cap. VIII, 18: *Non sumus secuti peccata patrum nostrorum, qui dereliquerunt Deum suum, et adoravereunt deos alienos, pro quo scelere dati sunt in gladium, et in rapinam, et in confusionem iniurias suis: nos autem alterum Deum nescimus praeter ipsum.* Etenim cum tunc valde recens esset Manassis et populi ab eo seducti idolatria, similiterque recens propter eam, regis abductio: nullo vero sensu videtur Judith tunc temporis de Judais potuisse dicere, quod non dereliquerint Deum suum, nec adorassent deos alienos. At vero post captivitatem babyloniam hoc verissime dicere potuit; nam licet post illam populus adhuc in quadam peccata lapsus fuerit, ut patet ex libris Esdræ, tamen semper unum verum Deum coluit, et ad idolatriam non declinavit. Et licet aliqui sub Antiochæ Epiphane idola coluerint, id nihil obest: quia praeterquam quod illi diu fuerint post tempora Judith, adhuc respective tam pauci erant, ut non posset dici populus idola coluisse.

Neque hic dici potest quod Judith solum locuta sit de sua civitate Bethulia, que, alii deficientibus, in vera religione perseveravit: quia praeterquam quod locuta sit de suo populo in genere (hujus enim nomine Deum exoravit, ejusque auxilium contra Assyrios imploravit), etiam minime verum appetit quod tempore Manassis cives bethulienses ad idolatriam non declinaverint. Nam Bethulia erat civitas spectans ad regnum Israel, seu ad decem tribus. Atqui licet decem tribus ante tempora Manassis, nempe anno sexto Ezechie, essent ductæ in captivitatem; tamen adhuc reliquiae aliqua remanserunt in Israel, in quibus non tantum tempore Manassis, sed etiam post ipsum, saltem usque ad tempora Josie, in regno Israel perseveravit idolatria cum omnibus suis immunitiis; ut liquet ex lib. IV Reg. XXIII, ubi istas immunitias dicitur sustulisse piissimus hic rex.

Prob. III. Judæi a Saüle usque ad captivitatem babyloniam semper habuerunt reges; tempore autem Judith nullum regem habebant. Si enim aliquem habuissent, quomodo credi potest quod nulla ejus mention fieret, et quod ad illum nemo iret, vel mitteret pro auxilio, quodque sacerdos Eliachim, et Ozias princeps ita civitatem gubernarent, ut regem non facerent conscienti maxime necessitatis et angustiae in qua erant Bethulienses?

Si quis dicat aliquem tunc regem fuisse, nimirum Manassen, sed adhuc in captivitate detentum, vel in agenda pœnitentia occupatum, minime huic argumento satisfacit. Nam contra prius facit, quod cap. V Judæi dicantur ex dispersione reversi, utique non sinq

rege, si quem habuissent, qui cum illis fuisse dicenspersus et captus.

Contra posterius facit, quod pœnitentia non impediat quominus rex sui regni curam gerat, præsentim tunc quando populus magna calamitate premitur, ferre cogitur ad deditioem civitatis. Unde II Paralip. XXXIII legitur, quod Manasses post captivitatem suam *edificavit murum circa civitatem David... et constituit principes in circulis civitatibus Iudea munitis.* Quare ergo similiter non potuisset quidpiam per se vel per suos agere, quod ad Bethulæ defensionem pertinebat, ipsique illud attribui, si nunc fuisse rex? Quamvis igitur ob causam pœnitentia forte non comparuisse personaliter, aliqua tamen fuisse ejus facta mentio si ipso regnante ista contigisset: siquidem ejus auctoritate cuncta geri debuissent, quandoquidem tunc temporis Hebrei nullum alium haberent regem; nam jam ab aliquibus annis, nempe sub Ezechia patre Manassis, destructum fuerat regnum Israel, et decem tribus abductæ erant in captivitatem Assyriorum.

Prob. IV. Quia in sententia illa que dicit historiam Judith contigisse post captivitatem babyloniam, haud difficiliter verificatur id quod habetur cap. XVI, 30: *In omni autem spatio vita ejus non fuit qui perturbaret Israel, et post mortem ejus annis multis.* Nam sub regibus Persarum in alta et diuturna pace vixerunt Judæi. Quamvis enim quasdam tribulationes et vexamina passi sint a Samaritanis, ut patet ex libris Esdræ; nulla tamen tunc eis bella illata fuerunt; et consequenter istæ tribulationes et vexamina non fuerunt tanta ut propterea pax fuerit interturbata.

Juxta alteram vero sententiam, ait Sylvius, difficulter potest hoc verificari: quanquam enim fuerit pax residuo tempore quo Manasses ex captivitate revertens regnavit (quod quantum fuerit, incertum est) ac etiam duobus annis regni Amon, et triginta uno annis regni Josie; sieque ostendi possit, fuisse pacem toto tempore quo Judith ab Holofernī morte supervixit, quando erat annorum circiter 25 (vocatur enim *puella* cap. XII: unde consequens videtur quod non superaret annum ætatis sue vigesimum quintum aut trigesimum) et pervenit ad annum ætatis sua centesimum quintum; non bene tamen ostenditur quod multis post ejus mortem annis Judæi in pace vixerint; cum statim a morte Josie regnaverit Joachaz, quem Pharaon abduxit in Ægyptum; et postea Joakim, contra quem ascendit Nabuchodonosor; deinde Joachim, et Sedecias, qui nequaquam pacem habuerunt in Jerusalem. Ita Sylvius.

Prob. V, ex S. P. Aug. qui asserit historiam Judith contigisse eo tempore quo Cyri successores regnabant in Perside: nam lib. XVIII de Civ. Dei, cap. 26, ita scribit: *Incurvantibus hostibus, nequaquam progredi edificando valuerunt (Judæi) dilatunque opus est usque ad Darium.* Per idem tempus etiam illa sunt gesta que conscripta sunt in libro Judith.

Dices: Ex mox citatis S. Augustini verbis videtur sequi quod historia Judith contigerit tempore Darii

Hystaspis. Atqui tamen hoc admitti nequit; nam si contigerit post captivitatem babyloniam, verisimiliter est quod ea que narrantur in libro Judith acciderint sub Xerxe, ipsius Darii filio, ut ex statim infra dicendis patet; ergo, etc.

R. neg. ant. Nam in textu citato *tau* per idem tempus non videtur referri ad regimen Darii, sed quasi in vago refertur ad tempus istud quo Judæi post solutam captivitatem babyloniam rursus inhabitarunt Jerusalem cæterasque civitates suas. Patet hoc ex titulo et initio capituli citati, ubi ita scribit S. doctor: *Quod eo tempore, quo impletis septuaginta annis, Iudeorum est resoluta captivitas, Romani quoque a dominatu regio sunt liberati.* Immediate post hæc verba cap. XXVI inclinat hoc modo: *Per idem tempus Cyrus... relaxata aliquantò captivitate Iudeorum, quinquaginta millia hominum ex eis... regredi fecit.* Et narratis iis que a Cyro usque ad Darium contigerunt, rursus dicit: *Per idem tempus etiam illa sunt gesta, que conscripta sunt in libro Judith.* Ex quibus omnibus manifestum videtur quod *tau* per idem tempus non referatur ad hunc vel illum determinate annum, sed quasi in vago ad tempus istud de quo agit in titulo capituli; id est, quo impletis 70 annis, soluta est captivitas babylonica, et Judæi rursus habitarunt in terra sua. Ac proinde verbis praecitatis nihil aliud insinuat S. Augustinus quam hoc, scilicet quod historia Judith contigerit post solutam captivitatem babyloniam.

Interim sub quo rege, post captivitatem babyloniam, ista historia contigerit, rursus discrepantia est, et questio movetur inter auctores. Ad hanc autem videtur breviter respondendum hoc modo, videlicet quod non contigerit sub Cyro aut Cambyses; nam sub his regibus nondum aedificatum erat templum. Jam vero ex cap. IV libri Judith, §. 2, liquet, quod templum rursus extaret in Jerusalem quando Holofernes voluit Judæis inferre bellum; ergo, etc.

Deinde nec contigit statim postquam extrectum est templum, nempe sub Dario Hystapse: quia tunc summus sacerdos in Jerusalem erat Josue filius Josephe, ut patet ex lib. I Esdræ, cap. V, 2, et Aggæi cap. 1 et 2. At tempore quo contigit historia Judith, summus pontifex erat Joachim, qui et Eliachim, ut legitur Judith, cap. IV, 5, et cap. XV, 9. Dicendum itaque videtur quod illa historia contigerit sub Xerxe, quando scilicet (ut ait Josephus, lib. XI Antiq., cap. 5) Joachimus filius Jesu erat summus pontifex in Jerusalem; qui quidem Joachimus non potest esse alius quam ille Joachim filius Josue, cuius genealogia texitur II Esdræ XII, 10, ubi dicitur quod Josue generuit Joachim, et Joachim generuit Eliasib. Cum igitur tempore Darii Hystaspis pontificatum gereret Josue, et tempore Artaxerxes filii Xerxes esset sacerdos magnus Eliasib, ut patet II Esdræ, cap. III, 1: satis manifestum appareat, quod tempore intermedio, nimis Xerxe imperante, summus sacerdos fuerit Joachim filius Josue, et pater Eliasib. Ac consequenter hinc satis probabiliter conclu-